

Siunnersuut: Kalaallit Nunaanni Namminersorlutik Oqartussat Inuk pillugu paasissutissanut inatsimmut Kungip peqqussutaata Kalaallit Nunaanni atortuulersinneqarnissaa pillugu Inatsisartut aalajangiiffigissagaat.

Akissutitut allakkiaq

(Aningaasaqarnermut Aatsitassanullu Naalackersuisoq)

Aappassaanneerera

Ataatsimiititaliap sukumiisumik suliarisaanut sukumiisumillu isumaliutissiissusiaannut Naalackersuisut qutsaviginnipput.

Isumaliutissiissutip, ilanngullugulu ataatsimiititaliap suliarinninnerata suliassaqrifiup paasiuminaatsup, ukiuni makkunani ineriartortuarlunilu piaartumik ineriartorfiunerata pineqarnera takutilluarpaat.

Aamma nunat tamalaani inuk pillugu paasissutissat illersugaanissaat sallerfaatitani pingaartitaasupilussuupput, taamaattumillu siunnersuutip akuersissutiginnissaanut Inatsisiliormik ataatsimiititaliap akerliusoqarani innersuussutigisaa Naalackersuisut tikilluaqqaat.

Inuit ataasiakkaat inuttut paasissutissaannik passunneqartarnerannut tunngatillugu innuttaasup inatsisaasuni inissisimaffianik akuersissuteqarnermi maannakut suliassaqrifimmi inatsisaasunut naleqqiullugu nukittorsarneqassaaq – nunatsinnilu inatsisaasut nunat tamalaani inissisimaffiusumut kivinnekassallutik.

Tamakku ilutigalugit inuk pillugu paasissutissanut inatsisinik atugaqalerneq nunatsinni inuiaqatigiinnik digitalinngorsaaqqinnermut iluarinartutut ilaassaaq – inatsillu nunat killeqarfii akimorlugit inuk pillugu paasissutissanik paarlaasseqatigiittarnermik oqilisaaqataassalluni.

Inatsisiliormik ataatsimiititaliap aamma tikkuussineratuut nunat killeqarfii akimorlugit inuk pillugu paasissutissat kiffaanngissuseqartumik paarlaassutigisarnerisa Kalaallit Nunaata EU-mi nunatut isumannaatsutut akuerineqarnissaanik tunngavissiissaaq. Ingerlassaq tamanna inuk pillugu paasissutissanut inatsimmik peqqussutip akuersissutiginnerata kingunitsiannguatigut Naalackersuisut aallartisassavaat. Tamanna naalagaaffimmi pisortanik qanimut suleqateqarluni pissaaq.

Siunnersuummut tunngatillugu pissutsit ataasiakkaat pillugit Inatsisiliormik ataatsimiititaliap isumaliutissiissummi nalornissutigai. Ilaatigut peqqussut pillugu inuiaqatigiinnut paasissutissiineq pillugu apeqqummut tunngasut, aammalu innuttaasunut tunngatillugu peqqussummi pisussaaffigisanut ilaasunik pisortanut namminersortunullu paasissutissiinnermut tunngasut.

Inatsisiliormik ataatsimiititaliap paasissutissiisarnerup pingaaruteqassusianik paasinninnera Naalackersuisut tamakkiisumik isumaqatigaat. Taamaattumik inuiaqatigiinni peqqussutip atuutsilernissaata aqqissuussaannissaanut tunngatillugu attuumassuteqartunik

FM 2016/24

EM 2015/24

Sagsnr.: 2016-6992

naalagaaffimmi pisortanik Naalakkersuisut oqaloqatiginnittuarput. Ilanngullugu nunatsinni inuiaqatigiinnut naleqqussakkanik paasisitsiniaanermi atortussialiornernik.

Tamakku ilutigalugit pisortani aqutsisoqarfimmi inuk pillugu paasisutissat passutarinissaannut tunngatillugu piginnaasatigut inissisimaffiup qulaajaaviginissaanut Naalakkersuisut periusissanik isumaliuteqarput.

Taamatutaaq Inatsisiliornermik ataatsimiititaliap Datatilsynip ukiumoortumik nalunaarutaata Folketingimut aamma Inatsisartunut saqqummiunneqartarnissaanik innersuussineranik Naalakkersuisut paasinnipput. Kissaatigisamik tassannga suliassaqarfimmut akisussaasumut Datatilsynimut Naalakkersuisut ingerlatitseqqissapput.

Datatilsynip isumalluutai pillugit apeqqummut tunngatillugu Naalakkersuisut isumaqarput apeqqut taanna danskit naalagaaffiata akisussaaffigisaata ataaniittoq. Kalaallit Nunaannut tunngatillugu Datatilsynip suliassanik toqqissisimanartumik suliaqarsinnaanera pillugu Naalakkersuisut naatsorsuuteqarput. Tassalu ilitersuineranut nakkutilliinermullu tunngatillugit. Tamannali ilutigalugu manna tikillugu nakkutilliinermik suliaqartarnek annikitsuusimasoq Naalakkersuisut ilisimavaat. Taamaattumik tassaavoq suliassaqarfik Naalakkersuisut aamma malittariniagaat, pisariaqalissappallu naalagaaffimmi pisortallu oqaluuserissallugu.

Kalaallit Nunaanni pisortani oqartussaasunut suliffinnullu aningaasaqarnikkut kingunerisinnaasanut tunngatillugu siunnersuummit kingunerisinnaasanik nalilersuinissamut paasisutissanik tunngavigisat ikittuinnaat Naalakkersuisut sianigaat. Taamaattorli inuiaqatigiinni digitalinngorsajaarnerup piffissap ingerlanerani aqutsinikkut sipaaruteqarnermik nassataqassasoq Naalakkersuisut isumaqartuarput.

Suliassaqarfimmi EU-mi peqqussut takkuttussaq pillugu apeqqummut tunngatillugu peqqussutip suliassaqarfimmi aalajangersimasuni innuttaasumut inatsisitigut inissisimaffimmik allanngortumik, pitsaanerulersumillu tunniussaqaassanerata naatsorsuutiginera eqqortuuvoq. Taamaattorli Kalaallit Nunaanni atuutilersussami inuk pillugu paasisutissanut inatsimmi iluserisamik EU-mi peqqussutip takkuttussap tunngaviusumik allannguuteqassannginnerata erseqqissarnissaa pingaartuuvoq.

Inatsisiliornermi tunngatillugu allanngoriartornermik Naalakkersuisut soorunami malittarissavaat, aammalu inuk pillugu paasisutissanik passussisarnermut nunatsinni malittarisassianik iluarsaanissamik pisariaqartitsisoqarneranik nalilersuiuartassallutik – ilanngullugut malittarisassiani tunngavigisat allanngortinneqassappata iluarsaassinermi ilutsit sorliit pisariaqassaneri pillugit.

Taamatut oqaaseqarlunga Inatsisartuni akuersaartumik suliarineqarnissaannut siunnersuut tunniuppara.